



Broj: 10-50-4179/23
Sarajevo, 20.02.2024. godine

MINISTARSTVO PRAVDE BiH

Kabinet ministra

Predmet: IZVJEŠTAJ O PROVOĐENJU PLANA INTEGRITETA ZA 2023. GODINU

Poštovani,

Planom integriteta Ministarstva pravde Bosne i Hercegovine, kojeg je donijelo ovo ministarstvo Odlukom broj: 06-50-4511/22 od 24.02.2023. godine, u članu 3 stav (5), definisana je obaveza da kao koordinator zadužen za nadzor nad provedbom Plana integriteta, informišem Vas o provedbi istog u skladu sa rokovima realizacije kroz izradu godišnjeg izvještaja.

S tim u vezi, ovim putem informišem Vas o realizovanim preporukama i utvrđenim aktivnostima za gore navedeni period.

Agencija za prevenciju korupcije i koordinaciju borbe protiv korupcije je izradila i usvojila Pravila za izradu i provođenje planova integriteta u institucijama u Bosni i Hercegovini, (u daljem tekstu: Pravila). U skladu sa navedenim Pravilima obaveza naše institucije je bila da izradi i usvoji Plan integriteta. S tim u vezi, dana 23.06.2022. godine ministar je donio rješenje o izradi Plana integriteta i imenovanju članova radne grupe za izradu Plana integriteta (broj: 06-50-4511/22 od 23.06.2022. godine). Kako bi se na što sveobuhvatniji način prikupile informacije i podaci koji su radnoj grupi potrebni za izradu Plana integriteta, neophodna je bila podrška, pomoć te aktivno učešće svih uposlenih u našoj instituciji. Posebno je naglašena obaveza da su svi uposleni u Ministarstvu pravde BiH dužni da pruže svu pomoć i informacije potrebne za proces izrade i provođenje Plana integriteta, te da saraduju sa radnom grupom.

Donošenjem Zakona o Agenciji za prevenciju korupcije i koordinaciju borbe protiv korupcije (APIK) otpočelo se sa uvođenjem upravljanja integritetom u javnom sektoru u BiH. APIK-u je navedenim zakonom u mandat stavljeno propisivanje jedinstvene metodologije i smjernica za izradu planova integriteta i pružanje pomoći javnom sektoru. APIK je, u skladu sa navedenim obavezama, usvojio pravila za izradu i provođenje Plana integriteta u institucijama na svim nivoima u BiH, kojima je utvrđena obaveza svih institucija u BiH da izrade i usvoje Planove integriteta. Na ovaj način, sistemski su uređeni procedura izrade i usvajanja Planova integriteta, kao i provođenje mjera i preporuka za poboljšanje integriteta unutar institucija u BiH, te način izvještavanja prema APIK-u, kao koordinirajućem i kontrolnom tijelu u ovoj oblasti.

Radna grupa za pripremu Plana integriteta Ministarstva pravde BiH se, koristeći svoja stručna znanja, prethodno iskustvo, cjelovitim pristupom i sistematskim radom, prvo upoznala i procijenila opće stanje u ministarstvu i mogućnosti za nastanak i razvoj korupcije i koruptivnih ponašanja, drugih oblika nezakonitog ili neetičkog postupanja i drugih nepravilnosti u radu ministarstva. U toku rada same Radne grupe održani su radni sastanci, kako interni tako i sastanci sa konsultanticom za pitanja borbe protiv korupcije na kojima su definisane aktivnosti, mjere i koraci u izradi Plana

integriteta. U toku izrade Plana integriteta izvršene su obimne pripremne aktivnosti, te prikupljena određena dokumentacija. Tokom nastavka aktivnosti na izradi Plana integriteta, Radna grupa je kompletirala potrebnu dokumentaciju koja je uključila zakone, pravilnike, poslovnike, odluke, uputstva, izvještaje, planove, osnovne finansijske i kadrovske podatke o gradu, organigram, procesogram i druge izvore saznanja relevantne za izradu Plana integriteta.

Radna grupa je tokom septembra 2022. godine provela anketiranje. Ukupno je ispunjeno 90 anketnih listića, a imajući u vidu broj zaposlenih u vrijeme anketiranja (178), procenat anketiranih je bio 50,56%.

Na osnovu svih odgovora na pitanja iz upitnika, zaključuje se da većina anketiranih ne zna postoje li mehanizmi zaštite prijavljivanja korupcije, kao i da ne zna kome treba prijaviti slučajeve prevare ili drugih sličnih radnji kao i saznanja o postojanju sukoba interesa. Također se zaključuje da je dijelom odgovora ukazano da nisu bili u prilici razgovarati o jačanju ličnog i institucionalnog integriteta.

U prvoj polovini 2023. godine, održan je radni sastanak sa predstavnicima Ministarstva odbrane Bosne i Hercegovine, odnosno sa Generalnim inspektoratom MO BiH, kao jednom od vodećih institucija u pogledu praćenja procesa integrisanja, kao i same saradnje sa APIK-om na kojem su razmjenjena iskustva i sugestije u vezi provođenja Plana integriteta. Na pomenutom sastanku jedan od zaključaka je bio da bi MP BiH trebalo donijeti dokument pod nazivom „Politika izgradnje integriteta, smanjenja rizika i porbe protiv korupcije u MP BiH“, na osnovu Zakon o upravi član 61. stav (2). Navedenim dokumentom bi se jasno definirala provedba politke Plana integriteta u MP BiH.

Nadalje, krajem juna 2023. godine APIK je kao redovnu aktivnost dostavio svim koordinatorima ispred institucija Upitnik o provođenju Plana integriteta u institucija BiH. Kao koordinator isti sam uredno popunio i dostavio APIK-u.

Također, dana 10.11 2023. godine nastavljena je saradnja sa MO BiH, gdje je u Domu oružani snaga BiH održana radionica na temu provođenja Plana integriteta u institucijama BiH. Na navedenoj radionici ispred MP BiH bili su prisutni Glavni upravni inspektor Emir Mehmedović, Ivana Ljubičić-upravni inspektor, Aleksandar Damjanović- upravni inspektor, Adin Hidić-Inspektor i Anel Omanović-upravni inspektor (Kordinator za provođenja Plana integriteta u MP BiH). Kroz Program radionice su objašnjeni načini i metodi rada sa konkretnim pojašnjenima na koji način se određena aktivnost smatra realiziranom u smislu opisa preduzetih mjera, normativno pravnog okvira i efekata koji podržavaju stepen realizacije predmetne aktivnosti.

Dalje, tokom realizacije ove radionice iskazana je namjera i spremnost pružanja pomoći u izradi potrebnih konceptualnih i organizacionih dokumenata izgradnje integriteta u Ministarstvu pravde BiH. Učesnicima radionice putem video-linka obratila se predstavnicu NATO Štaba iz Brisela dr. Nađa Milanova koja je naglasila neophodnost međuagencijske saradnje na izgradnji integriteta i borbe protiv korupcije. Radionici je ispred Amabasade Ujedinjenog Kraljevstva prisustvovala gospođa Claire Avison, predstavivši programe i obuku koje Ujedinjeno Kraljevstvo može da ponudi po predmetnim pitanjima. Na kraju radionice je iskazana opredijeljenost za nastavak provođenja aktivnosti na jačanju integriteta i borbe protiv korupcije u MP BiH.

Nadalje, APIK je 23.11.2023. godine organizovao edukaciju na temu izrade i provođenja planova integriteta i planova borbe protiv korupcije u institucijam BiH. Navedenom pozivu sam se odazvao ispred MP BiH. Edukacija je bila interaktivnog tipa na kojoj su podijeljena iskustva iz oblasti antikoruptivnog djelovanja, naročito sačinjavanja plana integriteta, plana borbe protiv korupcije kao i izazova kojima se susrećemo prilikom provođenja planova integrisanja.

Ministarstvo je sačinilo Registar rizika Ministarstva pravde Bosne i Hercegovine sa godišnjim planom njihovog upravljanja. Registrom rizika su utvrđeni rizici po kojima je potrebno postupati i određeni načini postupanja. Planom upravljanja rizicima se osigurava efektivno postupanje po rizicima.

Procjena izloženosti riziku je potrebna kako bi se utvrdili prioriteti, odnosno najznačajniji rizici kojima treba upravljati. Rangiranje rizika je osnova za određivanje prioriteta i pokazuje izloženost Ministarstva pravde BiH rizicima. Formalizovanje okvira za finansijsko upravljanje i kontrolu u Ministarstvu pravde BiH omogućava državnim službenicima efikasnije obavljanje zadatah aktivnosti, kao i smanjenje identifikovanih rizika. Ministarstvo pravde BiH teži kontinuiranom procesu kontrole rizika, kroz sistem identifikacije rizika i upravljanje prijetnjama i šansama, što utiče na stvaranje okruženja koje doprinosi većem kvalitetu i rezultatima svih aktivnosti.

Tokom provedbe i praćenja procesa integriteta u MP BiH konstatovano je da pojedini dokumenti nisu istovjetni sa izvještajem procesa integrisanja u MP BiH. Konkretno Plan upravljanja i Registar rizika za 2023. godinu u Ministarstvu pravde Bosne i Hercegovine i Izvještaj procesa integriteta u Ministarstvu pravde trebalo bi usaglasiti iz razloga nepoklapanja skale rizika u ova dva dokumenta.

Pored gore navedenog, kao koordinator ispred MP BiH za proces integrisanja, a u saradnji sa glavnim upravnim inspektorom MP BiH ocijenili smo da bilo važno pristupiti donošenju dokumenta pod nazivom „Politika, izgradnje integriteta, smanjenja rizika i borbe protiv korupcije u Ministarstvu pravde Bosne i Hercegovine“, koji bi bio jedna od preporuka plana integrisanja MP BiH i čije bi donošenje bilo važno u pogledu praćenja procesa jačanja integrisanja u MP BiH. Navedenim dokumentom formirala bi se ekspertna grupa, koju bi činili po jedan predstavnik svih organizacionih jedinica MP BiH, što bi uveliko olakšalo način praćenja procesa jačanja integrisanja, a samim tim i veću uključenost organizacionih jedinica u sami proces integrisanja. Ekspertna grupa analizirala bi stanje u oblasti izgradnje integriteta, smanjenja rizika i borbe protiv korupcije.

Također, jedna od preporuka bila bi pohađanje obuka usposlenika MP BiH iz oblasti integriteta, prevencija, smanjenja rizika i borbe protiv korupcije, te sudjelovanje u programima međunarode obuke, seminara, radionica i konferencija.

Na kraju može se zaključiti da je u proteklom periodu obavljeno niz aktivnosti na polju Plana integriteta i iste će biti nastavljene u 2024. godini.

S poštovanjem,

Dostavljeno:

-naslovu
-a/a

Koordinator za provođenje

Plana integriteta

Anel Omanović
Anel Omanović